

A painting of a young shepherd with dark curly hair and a beard, wearing a yellow tunic and brown trousers. He is leaning over a rocky ledge, holding a wooden staff in his right hand and reaching out with his left hand towards a small white lamb. The background shows a steep, green, rocky hillside under a blue sky with white clouds.

Oburhabaaile Kurhenga Enyanya

Echi chitaabu chiderhwa “BURHABAALE KURHENGA ENYANYA” chajiragwa chisungunu mpu lyo ohasha okuja wachiheeka ngasi ho wanaja wája hooshi. Omu kujira ntyo go mango wankahasha okukaachisoma ngasi mango orhali wajira bichi. Aha wali waheza amango oyungule mwo omurhima gwaawe.

Muli echi chitaabu najiire narhoola amandiko ga Biblia omu kuhuguula emyanzi yaage mikulu. Gooshi gàli Mandiko Mimaana ga Mungu enali myanzi yaage kuli rhwe.

Okuli Emyanzi ya Mungu rhwayihaabagwa “kurhenga enyanya” enali burhabaale bunene kuli oyo ochiifinjire okushimbuulira enjira y’obushinganyanya. Amango omuntu amaafuluula ebyaaha byaage n’okuyankirira Yezu Kristu, ago mango Mungu yeene anachiiyeereke ye, abul’iyunjuza omurhima gw’omwemeezi obusiime n’omurhuula. Kurhenga amango namanya ogwo murhuula omu mwaaka gwa 1937 kuhika ene, ngenderiire omu lushangi haguma na Nnahamwirru. Nkuyinginzire yaaga naawe ochiihaanage kuli ye BUNO erhi ankaba weehe orhachijira ntyo. — Watson Goodman (1920-2002)

Yohana 3:16

Bulya ntyo kwo Mungu asiimi-re igulu bweneene, ahaana Omu-gala w'echuusha mpu lyo ngasi muntu omùyemiire arhafe, chi-kwoone abe n'obuziine bw'ensiku n'amango.

Baroma 5:8

Chikwoone Mungu àyeerekiine obuzigire bwaage kuli rhwe, a-mango rhwaali rhuchiri banya-byaaaha, Kristu arhufiira.

Yohana 13:1

Ago mango Iwaaligi Iusiku e-mbere ly'olusiku Iwa Pasaaka. Yezu aali amanyire oku akasanzi kaage k'okusiga eri igulu n'okuja emw'Ishe kamaahika. Kusiima a-

yoorhaga asiima abantu baage baali en'igulu, abasiima kuhika oku buzinda.

Kufuluulirwa 1:5

Na kurhenga kuli Yezu Kristu, muntu orhanyweerha, Enfula, o-muntu murhanz'ifuulwa anali mwaami mukulu w'abaami b'en'i-gulu. Arhusiimire, arhuchiza omu byaaha biirhu muli kulya kufa kwaage.

Yeremiya 31:3

Miira Nnahamwiirhu ambone-keria, aderha erhi: "Neechi nkusi-imire n'obusiime bw'ensiku n'a-mango, cho chirhumire nakuku-lula erhi bwinja bw'obuzigire bwaani bur huma."

OBUMUNGU BWA YEZU KRISTU

I Timoteyo 3:16

Buzira karhinda, ihwe ly'idiini liba ihwe likulu: Mungu abonekiine omu mubiri, achiyyerekana okuba n'okuli omu Muuka gwa Mungu. Abonekiine kuli bamalahika, ayigirizibwe omu milala, a-yemiirwe omu igulu, ayankiriirwe omu bukuze.

Yohana 14:9-10a

Yezu amùshuza erhi: "Ka mangó ene galya rhuli rhweeshi wabul'impaba Filipo? Owambwiine erhi anabwiine na Laarha. Bichi birhumirage waderha mpu mmú-yeereke Laarha? K'orhayemiiri oku ndi muli Laarha na Laarha àli muli nie?"

Mateyo 1:22-23

Ebyo byooshi byabiire mpu bikiirize oku Nnahamwiirhu aderhaga omu kanwa k'omurhonzi waage. Aderha erhi: "Yumvi, omunyere orhasaag'ibona mulume, ába iziimi, áburha omwaanarhabana. Bámùyirika iziino lya Manweri; kwo kuderha oku Mungu àli haguma na niirhu."

Yohana 1:1, 14

Erhi Mungu arhachilema igulu, erhi Omwanzi ho gukola guba; Omwanzi gwaali haguma na Mungu, n'Omwanzi gwaali Mungu. . . Omwanzi gwahinduka muntu, oyo muntu abeera muli

rhwe erhi ayunjwiire okugasha-
ana n'okuli. Rhwabwiine obuku-

ze bwaage, bukuze omwaana w'e-
chuusha àhaabwa n'ishe.

YEZU MWENE MUNGU

3

Isaya 9:6

Bulya omwaana amúburhii-
rwe, Rhuhiirwe omurhabana; O-
kurhambula kwába oku birhugo
byaage: Áyiirkwa erya Chirha-
ngaaaza, Muhanuuzi, Mungu w'o-
buhashe, Laarha w'ensiku n'ama-
ngo, Muluzi w'omurhuula.

Luka 1:35

Malahika amùshuza erhi: "Mu-
uka gwa Mungu ákuyiishira n'o-
buhashe bwa Mungu w'enyanja
bweneene bwakubwiikira nka chi-
ihooho. Cho chirhumire oyo

mwaana wáburhwa áderhwa
mwimaana, Mwene Mungu."

I Yohana 4:15

Ngasi muntu wankaderha oku
Yezu àba Mweene Mungu, Mu-
ngu anabeera muli ye, naye ana-
beera muli Mungu.

Mateyo 17:5

Amango abaaga achiri aderha,
olwikungu luli Iwalomeka Iwa-
babwiikira, n'izu lyayumvikana o-
mu Iwikungu, lyaderha mpu: "O-
yu ye Mugala waani muzigirwa
ye onsiimiisa, mumùyumve."

YEZU ÀRHUBWIZIRE YE NNDI

Yohana 11:25

Yezu ababwiira erhi: "Nie bu-fuuke nie na ndi buziine: omuntu onyemiire, chiru ankafa, ába mu-gumaguma."

Yohana 13:13

Muli mwaderha oku nie Mwa-limu nie na ndi Mukulu: munadesire bwinja bulya kwo nandi ntayo.

Yohana 6:35

Yezu ababwiira erhi: "Nie mu-gati gw'obuziine, omuntu wányi-isho yo arhakachishalika chiru n'ehitya, naye oyo onyemiire arhakachigwaarhwa n'enyoorha chiru n'ehitya."

Yohana 8:23

Ababwiira erhi: "Idako murhe-nга, naani ntenzire enyanya; muli ba muli eri igulu, niehe ntali wa muli eri igulu."

Yohana 8:58

Yezu ababwiira erhi: "Kwo bi-nali mmúbwiiizire nti embere A-brahamu arhachiburhwa erhi ho mba."

Yohana 9:5

Amango ndi en'igulu, ndi bu-langale bw'igulu.

Yohana 10:7

Yezu ashub'ibabwiira erhi: "Kwo binali, mmúbwiiizire nti nie muhango gw'echoogo ch'ebibuzi."

Mateyo 14:19-21

Arhegeka abantu mpu batamale oku byaasi, arhoola erya migati irhaanu na zirya nsamaki ibiri, agalamira, agisha. Enyuma ly'aho abega emigati abul'iyyaha abigirimibwa, nabo bayigabira abantu. Booshi baalya banayigurha, abul'iheeka ntanda ikumi n'ibiri z'ebihimbi byasigalaga. Abantu balyaaga baali nka balume bihumbi birhaanu, buzira okuganja abakazi n'abaana.

Luka 5:4-6

Erhi ayuus'iyigiriza, abwiira Simo erhi: "Heeka obwaarho ahantu amiishi gajiire ekuzimu

bweneene (emuhengere), mubul'ikweeba orhweeshe rhwiinyu omu nyanya, murhondeere okuduba. Simo amùshuuza erhi: "Mwali-mu, obudufu bwooshi rhwalaa-zire rhwakola chiru rhurhaarho-zire akantu. Chikwoone bulya wamaambwiira mpu nkujire, nkola-ga nákweeba orhweeshe omu miishi." N'erhi bajira ntyo, bagwaa-rha nsamaki nyinji chiru orhwee-she rhwaabo rhwalinz'itwiika.

Mateyo 20:30, 34

Ago mango miuurha ibiri yali etamiire oku burhambi bw'enya-nja yayumva Yezu oku àli agera. Eyo miuurha yayakuza mpu: "Maashi, Nnahamwiirhu; mwee-

ne Daudi, orhubeere obwonjo!"
Yezu agwaarhwa n'obwonjo, a-

yihuma oku masu, bwo n'obwo
yahurhuuka yanamùshimbuulira.

6

YEZU KRISTU YE LULEMA YE NA NNAHAMWIIRHU

Bijiro 2:36

Olubaga Iw'Abisraeli Iwooshi
lukwaniine lumanye oku oyo Ye-
zu mwabambaga oku musalaba,
ye Mungu ajijire Nnahamwiirhu
na Masiya!

Bakolosayi 1:16

Bulya ye Mungu alemaga mwo
byooshi. Ngasi byo biba enyanya
emwaage na ngasi byo biba omu
igulu, ngasi biboneka na ngasi bi-
rhaboneka, amahashe g'abazimu,
ngasi burhambo, ngasi bukulu na

ngasi buhashe. Ye Mungu alema-
ga mwo byooshi, ye anabilemera-
ga.

I Bakorinto 1:9

Mungu arhahiga bibeesh, olya
Mungu wamúhamagaliraga oku-
lama omu kuhumana haguma
n'Omugala Yezu Kristu Nnah-
mwiirhu.

Yohana 1:3

Muli ye mwo ajijire ebintu
byooshi; ebihaba byooshi ntaacho
chajijirwe buzira ye.

YEZU KRISTU YE WÁTWIIRA ABANTU BOOSHI OLUBANJA

7

Mateyo 25:32

Embaga zooshi z'en'igulu záshimaanana emalanga gaage, áberuula abantu omu baabo nka kula omungere àkuula ebibuzi omu impene.

Bijiro 10:42

Arhurhegesire mpu rhuyigirize olubaga n'okuderha n'obwalagale oku ye Mungu ahiire obuhashe bw'okutwiira àbaziine n'abafiire emmanja.

Baroma 2:16

Byo byabonekane ebyo oku lusiku Mungu ákoleesa Yezu Kristu okutwa olubanja lwa ngasi bifuli-

ke omu buziine bw'abantu. E-myanzi y'Omurhuula ndi nayigiriza yo edesire ebyo.

II Timoteyo 4:1

Nkurhegesire bweneene emalanga ga Mungu n'emalanga ga Yezu Kristu, ye watwiire abaziine n'abafiire olubanja, nkahuunyire okwo oku iziino ly'okuyiisha kwa Kristu n'oku ly'Obwaami bwaage.

Baroma 14:10

Chikwoone w'oyo, bichi birhma otwa olwa mwene wiinyu mukristu? Rhweeshi rhweeshi rhwáyimanga emalanga ga Mungu, rhuheekwe lubanja.

OKUCHUNGULWA KURHENGA MULI KRISTU YEENE

Yohana 10:9

Nie muhango. Owangerera mwo, áchira. Anadaaha anahulu-ke, abul'ibona ebi álya.

Yohana 14:6

Yezu amùshuza erhi: "Niene nie njira, niene nie okuli, niene nie buziine. Nta kundi omuntu ankaja mwo emwa Laarha, nka-ba angerere kwo.

Yohana 8:24

Cho charhumaga namúbwiira nti mwáfaana ebyaaha ebyaaha biinyu. Bulya mwáfaana ebyaaha biinyu akaba murhayemiiri oku "nie ndi olya oba ho".

Bijiro 4:12

Yeene ye 'chiza abantu, bulya nta lindi iziino Mungu ahiire aba-ntru en'igulu yooshi lyankarhu-chiza.

Bebraniya 5:9

Erhi aba amaakubuulwa, aba nshooko y'obuchize oku bantu bàmùyumva booshi.

Bebraniya 7:25

Cho chirhumire buno n'ensiku n'amango anahaha okuchiza ngasi bàyegerera Mungu omu kumùgerera mwo, bulya àziine ensiku n'amango mpu lyo akaabashe-nerga Mungu.

Bakolosayi 1:12-14

Muvuge Mungu Laarha omunkwa erhi munasiimire. Oyo ye warhumaga mwaba n'omwanya oku birugu àbiikiire omu bwaami bw'obulangale. N'ebyo àbibikiire àbali baage. Bulya arhushugwiire omu buhashe bw'omwizimya abul'irhuceza omu bwaami bw'O-mugala muzigirwa, obwo bugashaane bwo rhwayookwiirwe mwo n'ebyaaha biirhu byababalirwa.

Luka 19:10

Bulya nie Mwene-Muntu nayishiire okulonza n'okuchiza owahezire.

I Bakorinto 1:30

Chikwoone amúhumanyize ku-li Yezu Kristu, abul'iba Yezu ye ajira mwo obwiirhu bukengukwe: Kristu ye warhumire rhwajirwa bashinganya emalanga ga Mungu, rhwaleerhwa okulamira Mungu, rhwarhenga omu buja.

Kufuluulirwa 5:9

Okwaniine okurhoola echi chitaabu n'okukuula obuhashe bw'aga makashe. Bulya wayisirwe, n'omuko gwaawe gwo waguzire mwo abantu, wabaha Mungu, ba ngasi buuko, ba ngasi luderho, ba ngasi lubaga na ngasi mulala.

OKUHUMANYIBWA KULI MUNGU OMU NJIRA Y'OMUKO GWA KRISTU

Befeso 1:7

Bulya omu kukoleesa olufu Iwa Kristu, rhukola rhuyokwiirwe, n'ebyaaha biirhu bikola bibabalii-rwe. Ntyo kwo Mungu arhuga-shaanire bweneene.

I Petro 1:18-19

Bulya mumanyire oku ngulo nchi mwachizibagwa mwo kurhenga muli bulya bulamu bwa bushabusha bashakuluza biinyu bamúsigiraga. Birhajiriikanaga ntyo oku njira y'ebintu by'okuheza obunguke bwaabyo nka nfara-nga erhi nnooro. Mwachiziibwe omu njira y'enterekeero y'engulo ndaarhi ya Kristu. Oyo kwo aali

ayoosire nka mwaanabuzi muzira ishembo erhi izinga.

Mateyo 26:28

Bulya ogu guli muko gwaani, muko gufundisire okulagaanana kwa Mungu. Gubulajisire erhi ban-tu banji barhuma, omu kubaba-lirwa ebyaaha byaaboo.

I Yohana 1:7

Chikwoone erhi rhwankalama omu bulangale, nk'oku Mungu naye yeene àba omu bulangale, erhi rhukolaga rhuhumanyire rhweene na nnene haguma naye n'omuko gw'Omugala Yezu gu-rushukwiire ebyaaha byooshi.

OBUCHIZE OMU NJIRA Y'OKUCHIIKUBAGIRA KRISTU

Yohana 6:28-29

Ago mango bamùdoosa mpu:
“Gurhigi rhugwaasirwe okujira
lyo rhuhikiiriza emikolo Mungu
àlonzize?” Yezu abashuza erhi:
“Omukolo Mungu àli amúlinda
kwo kuli kuyemeera olya arhu-
maga.”

Befeso 2:8-9

Bulya oku bugashaane bwa
Mungu kwo mwachiziibwe, omu
njira y'obwemeere. Obwo buchi-
ze burharhenziri kuli mwe, buli
nshoboolo Mungu àshoboozize.
Burhayiishaga mpu kwenge mwa-
aligi muchiihanganyaire, cho cha-

nkar huma ntaaye wankachiiku-
ng a.

Baroma 5:1

Ntyo kwo mwajijirwe mwo ba-
shinganyanya emalanga ga Mu-
ngu erhi bwemeere bur huma, na
buno ntaabyo rhuchiifaanwa
rhweeshi naye erhi Nnahamwi-
irhu Yezu Kristu or huma.

Yohana 20:31

Chikwoone ebiri mwo byaya-
ndikagwa mpu lyo tuyemeera
oku Yezu àli Masiya, Mwene Mu-
ngu, n'omu kuyemeera kwiinyu
mube n'obuziine muli ye.

Nnanga 103:11

**Bulya nka kula oku nkuba ku-
ba enyanya bweneene kulusha e-
chihugo.** Ntyo kwo n'olukogo
lwaage luyoorha oku bo bàmù-
yooboha.

Nnanga 103:17

**Chikwoone obwinja bwa Nna-
hamwiirhu buba ho ensiku n'ensi-
ku kuhika ensiku n'amango kuli
abo bàmùyoohoha,** N'obushinga-
nyanya bwaage oku baana b'aba-
ana.

Miika 7:18

**Nndi oli Mungu akaawe, olya
obabalira amabi, olya onayiba-
gira ebyaaha by'omusigala gw'o-
mwiimo gwaage?** Arhabiika obu-

rhe bwaage ensiku zooshi, bulya
àsiimiisibwa n'olukogo.

Tito 3:5

**Arharhuchizagya mpu kwenge
rhwajijire emikolo eshinganiine,
chikwoone bulya yeene arhubee-
riire obwonjo.** Arhuchiza n'oku-
rhushuka kurbhenga muli Muuka
gwa Mungu orhuha okuburhwa
buhyaahya n'obuziine buhyaahya.

Kulaka 3:22-23

**Lukogo Iwa Nnahamwiirhu lu-
rumire rhurhahererekera, bulya
obwonjo bwaage burhahwa. Buba
buhyaahya ngasi seezi. Obwiku-
bagirwa bwaawe buba buneene
waani!**

Isaya 55:1

Mweeshi mwe mugweerhwe n'nyoorha, yiishi aha miishi, chiru n'orhagweerhi nfaranga! Yiishi, mugule munalye, yiishi mugule idivayi n'amarha erhi murhahaanyiri nfaranga, erhi murhahaanyiri bichi!

Isaya 1:18

Nnahamwiirhu àdesire erhi: "Ewe, yiishi rhuje omu ihano. Chiru ebyaaha biinyu byankaba bidukula bweneene, byáhinduka byeero bishushe enyange; akaba biri bidukula nka ndobolobo ya

mugoochwa, byáhinduka bishushe amarha."

Kufuluulirwa 22:17

Muuka gwa Mungu bo n'omuhya bàdesire mpu: "Yiisha!" Oyumiirhe ebyo maashi naye aderhe erhi: "Yiisha!" Maashi, oyu enyorha egweerhe, ayiishe. Owalonna amiishi g'obuziine àgahiirwe buzira kugula.

Mateyo 11:28

Muyiishe emwaani mweeshi, mwe muyabiirwe n'emizigo mizirho, námúrhamuula.

Yohana 1:12

Chikwoone bantu bamùyankiriire banamùyemeera; abaha obuhashe bw'okuba baana ba Mungu.

I Yohana 3:10

Yumvagi ebiyeerekana n'obwalaigale bahi bàli baana ba Mungu na bahi bàli ba Lyangombe: ngasi orhajira ebishinganiine niisi erhi abe arhasiima mwene waabo mukristu, oyo ye rhali mwaana wa Mungu.

Baroma 8:14-15

Ngasi baheekwa na Muuka gwa Mungu booshi, bàba bene

Mungu. Bulya Muuka mwahiiirwe arhalì Muuka wa kumújira baja n'okushub'imúyoobohya bweneene; chikwoone mwahiiirwe Muuka w'okumújira bene Mungu. Ye 'narhuma mwayakuza Mungu mpu: "Laarha!"

Bafilipi 2:15

Lyo muba beeru kweeru na bantu bashukule, baana ba Mungu balya barhagweerhi ishembo omu karhi k'endyaalya z'abantu bànali babi ba muli er'igulu. Muli bo, mukwaniine okulangashana nka nyenyezi (ntonde) z'oku nkuba.

OKU MUNGU ADESIRE OKU GW'ECHINYOOBWA CH'OKULALUSA

15

Bagalatiya 5:19, 21

Rhuyiishi bwinja gurhi ebijiro by'omubiri bichiyyerekana mwo: bichiyyerekana omu kugona, omu izinga n'omu kujira amabi. . . obumvu, endalwe, obudambye n'ebindi bijiro bya beene ebyo. Mmúrhonzire nk'oku nanali namaajira, oku abantu bàjira ntyo barhaabone Obwaami bwa Mungu.

Baroma 13:13-14

Rhube n'ebijiro bikwaniine nk'oku binakwaniine okujira kallenjerere. Rhuhaze obudambye

n'endalwe, obugonyi n'irala libi, n'emirongwe n'obwagalwa. Chikwoone muyambale obulamu buhyaahya, bulya buli muli Nnahnwiirhu Yezu Kristu, murhanchilekaga emibiri yiinyu yamúshumika mpu musiimiise amiiru gaayo.

Migani 23:31-32

Orhasinzagya amamvu oku gàli madukula, oku gàli galangasha-na bwinjinja omu chikombe, oku gàli gahunguka buzira kadali. Chazinda kwo galuma nka njoka, gabul'ibanda nka ngobe (kahiringongo).

OKUBA N'OMURHIMA GW'OKULI KWOONE KURHANKAHASHA

Marko 10:17-22

Erhi Yezu aja omu njira, muntu muguma ayiisha alibisire, amùfukamira, amùdoosa erhi: “Mwalimu mwinja, gurhi ngwaa-sirwe njire lyo mba n’obuziine bw’ensiku n’amango?” Yezu amù-bwiira erhi: “Bichi birhumire wa-derha mpu nie mwinja? Nta muntu mwinja kulusha Mungu yee-ne. Oyiishi amarhegeko: orhayii-rhaga omuntu; orhagonaga; orhazimbaga; orhanyweerheraga omuntu; orhalenganyagya; kenga sho na nyoko.” Oyo muntu amùshuza erhi: “Mwalimu, kurbhenga ama-nego nayushuukaga nanakaajira

nk’oku ago marhegeko gàdesire.” Yezu amùlola anamùsiima, amù-bwiira erhi: “Obuzire kantu kagu-ma: genda oguze ebi ogweerhe byooshi, n’enfaranga ozihe abakenyi, ago mango waba mugale enyanya emwa Mungu; enyuma ly’aho, oyisihe onshimbuulire.” Chikwoone erhi oyo muntu ayu-mva eyo myanzi, abanga enzizi, agenda àkola azinzibaliirwe, bu-lya aali mugale bweneene.

Migani 16:25

Hàli enjira ebonekera omu ma-su g’omuntu nk’eri nyinja, N’o-bwo buzinda bwaayo eri njira ya lufu.

MURHACHIRHEBAGA

Befeso 5:6

Maashi irhondo omuntu arha-kurhebaga n'emyanzi yaage y'o-buhwinja. Ago mabi go gärhuma obuhane bw'obukunizi bwa Mungu bwakabya àbalahira okumù-yumva.

Yakobo 1:22

Murhachiirhebaga omu kuchii-siimiisa okuyumva omwanzi gwa Mungu; chi oku mwájira; mukaa-jira ebi gudesire.

I Bakorinto 6:9-10

Mumayire bwinja bwinja oku abantu b'emirhima mibi barhaa-haabwe Obwaami bwa Mungu.

Mumanye murhachiirhebaga: à-bagashaaniza ensanamu, erhi à-bagona, erhi abalume bàlalana n'abakazi bàlalana, erhi ebishambo, erhi abaagalwa, erhi abala-lwe, erhi abajaachirana, n'erhi e-bishumuusi, abo barhaahaabwe Obwaami bwa Mungu.

I Yohana 3:7-8a

Baana baani, irhondo murhale-kaga omuntu amúrheba! Ojira e-bishinganiine erhi yeene ànaba mushinganyanya nk'oku Yezu Kristu aba mushinganyanya. Oka-ajira ebyaaha erhi oyo aba wa Lyangombe, bulya Lyangombe ajijire ebyaaha kурhenga oku mu-rhoneero.

Baroma 8:6

Okuchiishweekera oku ebi o-mubiri guhuunyire, lufu kuleerha; chikwoone okuchiishweekera kuli ebi Muuka àhuunyire, kuleerha obuziine n'omurhuula.

Yakobo 1:15

Enyuma ly'aho, olwifinjo lubi lunayaalale iziimi, chazinda luburhe echaaha, n'erhi echaaha chiba chamaachiibuha oluvu (kuyushu-ka), chiburhe olufu.

Baroma 5:12

Muntu muguma yeene ebyaaha byahashire mwo okuja omu igulu, ye Adamu, n'ebyo byaaha byalee-

raha olufu. Ntyo kw'olufu lwahisire mwo oku bantu booshi, bulya booshi bajijire ebyaaha.

Migani 11:19

Owágendeerera okubeera omu bushinganyanya, ábona obuziine: Chikwoone owáshimba amabi, oyo ágashimbiira kuchiihikiza olufu lwaage yeene.

Ezekieli 18:20

Omuntu ojira ebyaaha kufa áfa, omwaana arhaaheesibwe amabi g'ishe, chiru n'ishe w'omwaana arhaaheesibwe amabi g'omugala. Obushinganyanya bw'omuntu bwámùbeera kwo, n'amabi g'omuntu mubi gámùbeera kwo.

Yohana 10:17-18

Laarha ansiimire, bulya mpanyire obuziine bwaani nti lyonshub'ibushubirana. Ntaaye onyaga obuziine, chikwoone niene mbuhaane oku bulonze bwaani. Ngweerhe obuhashe bw'okubuhaana n'obw'okushub'ibushubirana. Ebyo byo Laarha antegekaga mpu njire.

Yohana 11:43-44

Erhi aba amaaderha ebyo binwa, ayakuuza n'izu linene erhi: "Lazaro, huluka omwo!" Nyakufa ahuluka; amagulu n'amaboko byaali bishweesirwe n'ebitambara. Baali bamùzonzize omushangi e-

busu. Yezu abawiira erhi: "Shwekuuli ye, mumuleke agende."

Kufuluulirwa 1:18

Nie w'obuziine. Nali nfiire, chikwoone buno nkolaga nziine ensiku n'amango. Ngweerhe obuhashe bw'olufu n'igulu ly'abantu bafiire.

Luka 7:14-15a

Enyuma ly'aho, ayegeera, ahuma oku isanduku omurhumba gwaali mwo; abaali balibarhwiire, bayimanga. Yezu aderha erhi: "We mwaana w'obusole, nkurhegesire nti ozuuke!" Olya nyakufa atamala, arhondeera aderha.

Nkengoozo z'Amarhegeko 5:7-21

Orhabaaga n'abandi bamungu nkaba niene.

Orhajiraga ensanamu z'okubinjwa, oku Iwiganyo Iw'akantu kooshi kooshi nka k'oku nkuba niisi erhi k'idako omu igulu, erhi omu miishi idako ly'echihugo; orhabiyunamiraga niisi erhi kubikolera. . .

Iziino lya Nnahamwiirhu Mungu waawe orhaliderheraga busha, bulya Nnahamwiirhu árhakaderha mpu omuntu oderhera iziino lyaage busha arhali kwo bubi.

Osiinze oluzira, olucheeze nk'oku Nnahamwiirhu Mungu waawe

anakurhegekaga. Wákaakola nsiku ndarhu n'okujira mwo omukolo gwaawe gwooshi. Chikwoone olusiku Iwa kali nda luli lusiku Iwa kurhamuuka kwa Nnahamwiirhu Mungu waawe. . .

Okenge sho na nyoko nk'oku Nnahamwiirhu Mungu waawe anakurhegekaga, lyo ensiku zaawe ziluga lyo onaba muny'iragi (muntu wa busiime). . .

Orhaniganaga.

Orhagonaga.

Orhazimbaga.

Orhanyweerheraga omulungu waawe.

Orhachiifinjaga muka mulungu waawe; orhachiifinjaga enyumpa

y'omulungu waawe, erhi ishwa
lyage erhi mwambali, erhi mu-
janyere waage, erhi mpanzi yaa-

ge, erhi punda waage, niishi erhi
akantu kooshi kooshi k'omulungu
waawe.

ORHANKAHASHA OKUCHIIFULIKA MUNGU 21

Luka 8:17

Ngasi hifulisirwe hyáfuluulwa,
na ngasi ihwe lyámanyíikana n'o-
bwalagale.

Yeremiya 23:24

Nnahamwiirhu aderha erhi:
“Ka hàli owankachiifulika omu
mbisho ntanamùbone?” “Niono,
ka ntayunjwiiri enyanya n'omu i-
gulu?” aderha ntyo Nnahamwi-
rhu.

Migani 15:3

Amasu ga Nnahamwiirhu gàli
ngasi hantu, gàligi gàlola abantu
b'emirhima mibi n'ab'eminja.

Ayubi 34:21-22

Bulya Mungu kubona àbona e-
bijiro bya booshi, ànakaasingiri-
za oku omuntu agenda. Nta mwi-
zimya, niisi erhi chihoocho cha lu-
fu, Halya bannakola-maligo ba-
nkachiifulika.

Nnanga 139:8, 12

Erhi nankayinamukira enya-
nya, yo oba: erhi nankahira e-
nchingo yaani omu kuzimu, chi
yo oba. Chiru n'omwizimya ku-
rhakuhanga kubona, Obudufu
kwo bulaza ak'omuushi, n'omwi-
zimya nka bulangashane.

ÀBARHA YEMIIRI BÁYAZIBWA, N'OKWO KWÁBA KW'ENSIKU N'AMANGO

Nnanga 9:17

Abantu b'emirhima mibi ba-shubira omu kuzimu, na ngasi mbaga ziyibagiire Mungu.

II Petro 3:7

Chikwoone amalunga ga buno n'igulu lya buno, nabyo bibikiirwe okushereezibwa n'omuliro. Gulya mwanzi gwa Mungu gwo na nneene gwo gubibisire. Bibikiirwe olusiku abantu b'emirhima mibi batwiirwa emmanja n'okushereezibwa.

Mateyo 13:41-42

Nie Mwene-Muntu nárhuma bamalahika baani, bákuula omu

Bwaami bwaani ngasi bàhirimya abandi omu byaaha na ngasi bàjira amabi; bábul'ibakweeba omu chibeeye ch'omuliro, mwo bákaalakira n'okulumira mwo amino.

Mateyo 18:8

Erhi ankaba kuboko kwaawe kurhumire wáhirima omu byaha, niisi erhi kugulu kwaawe, obitwe obikweebe kuli na naawe; kuli kwinja oje omu buziine bw'okuli na kuboko kuguma kulusha okuba n'amaboko abiri obul'ikweebwa omu muliro gw'ensiku n'amango.

Baroma 14:12

Cho chirhumire ngasi muguma
muli rhwe àba agwaasirwe oku-
rhondoola ebyaage yeene emala-
nga ga Mungu.

II Bakorinto 5:10

Bulya rhugwaasirwe okuja aha
ngombe emalanga ga Kristu, a-
rhutwiire olubanja lyo ngasi mu-
ntu akamarha omu kushimbuuli-
ra aminja erhi amabi ajijire ama-
ngo aali muli ogu mubiri.

I Yohana 4:17

Yumvagi ebiyeerekana oku o-
buiziine buli bwimaana muli rhwe:
kuli kuba n'oburhwaali bweneene
omu lusiku Iw'Okutwa olubanja.

Bijiro 17:31

Bulya ahizire ho olusiku átwii-
ra mw'abantu booshi olubanja o-
mu bushinganyanya oku muntu
ayeerekanaga. Amùhaana cheere-
kano oku bantu booshi erhi amù-
fuula.

Bebraniya 9:27

Ngasi muntu ajiriirwe okufa li-
guma, n'eniyuma ly'okwo Mungu
ámùtwiira olubanja.

II Petro 2:9

Cho chirhumire Nnahamwii-
rhu àmanyire gurhi àchiza aba-
antu bamwiishweekiire kwo oku
marhangulo, na gurhi àbikiire a-
b'emirhima mibi okubahana omu
lusiku Iw'Okutwa olubanja.

OBUGASHAANE YEZU KRISTU ÀRHUGASHAANIRA

Tito 3:7

Mpu lyo rhuba bashinganya-nya emalanga ga Mungu, rhube bo erhi bugashaane bwaage burhuma mpu lyo rhunahasha okuhaabwa obuziine bw'ensiku n'amango rhulangaalira.

Baroma 5:15

Chikwoone okushobooza Mungu àshobooza kwoone buzira kuhuuna ngulo kuli kukulu, n'obukulu bwa kwo burhankagererwa oku bubi Adamu ajijire. Kwo binali, oku bantu banji bafiire erhi bubi bw'oyo muntu muguma burhuma; chikwoone obugashaane

bwa Mungu bwo bunene kulusha n'okushobooza ashoboozagya buzira kuhuuna ngulo, kwo kukulu kulusha. Ashoboozize bantu banji erhi muntu muguma yeene orhuma, Yezu Kristu.

I Petro 5:5b

Mungu ànalahire ab'obuchii-bone, chikwoone ànagashaanire àbachiirhohya.

II Bakorinto 8:9

Bulya muyiishi okugashaana kwa Nnahamwiirhu Yezu Kristu: ye wali mugale, achiijira mukenyi erhi mwe murhuma, lyo amúgaza n'obwo bukenyi bwaage.

Mateyo 3:2

Akaaderha erhi: "Gokooli, bu-
lya Obwaami bw'enyanya emwa
Mungu buli hoofi!"

Bijiro 3:19

Aa, gokoolagi, myeerekekere
Mungu, lyo azaaza ebyaaha bi-
inyu.

Bijiro 17:30

Mungu àkola alesire galya ma-
ngo abantu baali bahwinja, chi-
kwoone buno àhamagiire abantu
booshi, ba ngasi hantu mpu ba-
gokoole.

Ezekieli 18:31

Mukweebe kuli na niinyu ama-

bi giinyu gooshi, ebi mwajijire;
mujire omurhima muhyaahya n'e-
ngereerezo mpyaahya; bichi bya-
rhuma mwáfa, maashi eyi nyu-
mpa y'Israeli?

II Bakorinto 7:10

Bulya oburhe Mungu àkoleesa
bunahindule omurhima, n'okwo
kurhume omuntu achira, n'aho o-
muntu arhankachiiyunjuza. Chi-
kwoone oburhe bw'abantu b'en'i-
gulu lufu buleerha.

Luka 13:3

Nanga, kwo mmúbwiiizire, chi-
kwoone akaba murhagokwiiri,
kwo mwáfa akaabo mweeshi.

Ezekieli 18:21

Chikwoone erhi omuntu mubi akahinduka okurhenga omu byaaha byaage byooshi ajijire, n'okulanga amarhegeko gaani gooshi, n'okujira ebikwaniine n'ebishinganiine, okunali álama, arhaafe.

Kufuluulirwa 3:20

Yumvagya, nyimanzire oku lumi na ndi nagoholera kwo, owá-nkayumva izu lyaani abul'inayigula, nája omu mwaage, nálya rhweeshi naye, naye álya rhwe naye.

Marko 2:5

Erhi Yezu abona obwemeere bw'abo bantu, abwiira oyo wali

ohozire ebirumbu erhi: "Mwaana waani, ebyaaha byaawe byamaababalirwa."

Isaya 55:7

Omuntu mubi aleke enjira yage. N'omuntu orhali mushinganyanya aleke engereerezo zaage; Agaluke emwa Nnahamwiirhu, naye ámúbabalira; N'emwa Mungu wiirhu, naye ámùbabalira looshi.

Bijiro 5:31

Mungu amùlengereza ekulyo kwaage n'okumùjira Mukulu na Muchiza, okuha olubaga Iw'Abisraeli amango g'okugokoola n'okubabalirwa ebyaaha byaab.

Befeso 5:11

Murhashangiiraga akantu koo-shi kooshi n'abantu bàjira eby'o-bushabusha by'omwizimya. Mu-hire ebyo bijiro omu bulangale lumenge erhi kwo.

Bakolosayi 3:2

Mukaakoyakoyerera ebiba era nyanya, chi arhali ebiba omu igulu.

Tito 2:11-12

Bulya Mungu agashaaniire o-kuchiza abantu booshi. Obwo bu-gashaane bwo burhuyigiriza mpu rhuleke okulama kubi, rhuleke n'amarala g'igulu lyo rhulama o-

bulamu bw'engereereo nyinja muli er'igulu, bunabe bushingani-ine na bwa kurhaalyalyanya Mungu.

I Yohana 2:15-16

Murhasiime ebibi by'en'igulu, niisi erhi akantu kaalyo kooshi kooshi. Erhi hankajira owasiima ebibi by'en'igulu, oyo muntu erhi arhasiima Laarha chiru n'ehitya. Ngasi biba omu igulu: enyifinjo mbi z'omubiiri, n'okuchiifinja o-kuba n'akantu obwiine, n'obuchi-ibone buleerhwa n'ebirugu by'e-n'igulu, ebyo byooshi birharhe-nга kuli Laarha, chikwoone bi-rhenga omu igulu.

Ezekieli 36:26

Námúha n'omurhima muhyaa-hya, naani náhira engereerezo mpyaahya omu kaagarhi kiinyu, nárhenza n'omurhima gw'ibuye omu mibiri yiinyu, mbahe n'omurhima gw'omubiri.

Yohana 3:3

Yezu amùshuza erhi: "Kwo binali, nkubwiizire nti nta muntu wankabona Obwaami bwa Mungu nk'arhabusirwi bwa kabiri."

I Yohana 2:29

Mumanyire oku Kristu àba mushinganyanya; cho chirhumire, munagwaasirwe mumanye oku ngasi muntu yeeshi ojira ebi-

shinganiine àba mwaana wa Mungu.

I Petro 1:23

Bulya mukola mibusirwe bwa kabiri. Arhali bala balaarha bàfa bo bamúbusire, chikwoone mibusirwe n'erya mburho erhafa. Mubiirage ntyo erhi gulya mwanzi gwa Mungu g'obuziine gunali gw'ensiku n'amango gwo gurhumiire.

II Bakorinto 5:17

Kurhenga amango omuntu anahumana bo na Kristu ntya, anabe chiremwa chihyaahya ebyamüira binahirigirhe, ebihyaahya bihaje.

ABANTU BAFIIRE OKU GW'EBYAAHA BAKOLA BAZIINE MULI KRISTU

29

Bakolosayi 3:1

Mwafuuuzirwe haguma na Kristu. Mulongerezagye ebiba enanya oku nkuba, era munda Kristu atamiire ekulyo kwa Mungu.

I Petro 2:24

Kristu yeene aheesire ebyaaha biirhu omu mubiri gwaage oku musalaba, lyo rhuba mifu oku guyeerekiire ebyaaha, lyo rhunalamu obulamu bushinganiine. Ebibande byaage byo byahumire mwafuma.

Baroma 6:2, 11

Rhuli nka bantu bafiire oku gwo guyeerekiire ebyaaha, gurhigi rhwankachilama mwo omu

byaaha? Niinyu kwo n'okwo, mukaachiilola nka bantu bafiire oku gwo guyereekiire ebyaaha na nka bantu bàlamiire Mungu omu bulamu bwiinyu, mujire ntyo muli kulya kuhumana haguma na Yezu Kristu.

Befeso 2:1, 6

Miira, mwaali mufiire omu biyeerekiire Muuka gwa Mungu erhi mabi giinyu garhuma n'erhi byaaha biinyu birhuma. Muli kulya kuhumana kwiirhu haguma na Yezu Kristu, Mungu arhufuzzire rhweeshi naye mpu lyo arhuyimika rhurhambule rhweeshi naye omu igulu ly'emwa Mungu.

Yohana 17:3

Obuziine bw'ensiku n'amango kuli bo kuli kukumanya, w'oyo weene we Mungu w'okuli n'okumanya Yezu Kristu warhumaga.

Yohana 5:24

“Kwo binali, mmúbwiizire nti owayumva emyanzi yaani, n'oku-yemeera owantumaga, àgweerhe obuziine bw'ensiku n'amango. Arhaachihekwe lubanja, chikwoone amaarhenga omu lufu amaaja omu buziine.”

Yohana 3:36

Oyemiire omugala, àgweerhe obuziine bw'ensiku n'amango; n'orhayumva Omugala arhakaba na buziine, chikwoone Mungu á-

hana oyo muntu ensiku zooshi obuhane burhenzire omu bukunizi bwaage.

Yohana 3:14-15

Nka kulya Musa alengezagya enjoka y'omulinga oku murhi omu mpinga, ntyo kwo na naani Mwene-Muntu ngwaasirwe nnengezibwe, Iyo ngasi muntu onyemiiire aba n'obuziine bw'ensiku n'amango.

Baroma 6:23

Bulya ojira ebyaaha, lufu àkamarha; chikwoone okushoboola Mungu àhaana buzira kuhuuna ngulo, buba buziine bw'ensiku n'amango omu lushangi haguma na Nnahamwiirhu Yezu Kristu.

K'OKOLA OMANYIRIIRE ERHI WACHUNGUSIRAGE?

31

Bagalatiya 4:6

Erhi Mungu akolaga ayeereka-na oku munali bagala bwinja, arhuma Muuka w'Omugala omu mirhima yiirhu, oyo Muuka kwo àlaka mpu: "Laarha!"

Yohana 14:21

Oseezize amarhegeko gaani n'okuyumva oku gàdesire, oyo ye onsiimire. Laarha àsiima onsiimi-re; naani námùsiima n'okumùbo-nekera.

I Yohana 4:13

Yumvagi gurhi rhumanya mwo oku rhuli muli Mungu n'oku na-ye àli muli rhwe: arhuhiire Muu-ka waage.

Baroma 8:16

Muuka gwa Mungu yeene àna-bwiire emirhima yiirhu okunali, aderhe oku rhuli baana ba Mungu.

I Yohana 3:18-19

Baana baani, kurhakwaniini obuzigire bwiirhu bube bw'ekanwa yoone n'okuderha emyanzi minunu-minunu, bugwaasirwe bube buzigire bw'okunali bulya buchii-yeerekiine omu bijiro. Yumvagi gurhi rhwámania mwo oku okuli kwo rhushizire. Yumvagi gurhi emirhima yiirhu yáhasha okuchii-yumva mwo erhwaalihire emala-naga ga Mungu.

KRISTU ÀBA OMU MIRHIMA YIIRHU ÀNARHUHE OBUSIIME

Yohana 15:11

Mmúbwiiizire ebyo nti lyo obusiime bwaani bumúba mwo, nti lyo n'obusiime bwiinyu buba bw'okunali.

Yohana 17:13

Chikwoone nkolaga emwaawe, ndesire ntyo amango nchiri omu igulu nti lyo boone baba n'obusiime bwaani muli bo, busiime bw'okunali.

Bagalatiya 2:19b-20

Nayiirhiirwe oku musalaba rhweeshi na Kristu, ntyo kwo arhachirigi nie ndamire chi Kristu ye olamire muli nie. Obulamu

bw'omuntu, obuula ngweerhage buno, mbulamire omu kuyemeera Mwene Mungu wansiimaga, ahana n'obuziine bwaage erhi nie ntuma.

Nnanga 16:11

Wányeereka enjira y'obuziine; emalanga g'amasu gaawe eba obusiime bunene; Ebwa kuboko kwaawe kulyo eba eby'okukusimiiisa ensiku n'amngo.

Baroma 14:17

Bulya Obwaami bwa Mungu burhali kulya n'okunywa, Obwaami bwa Mungu buli bushinganyanya, n'Omurhuula n'obusiime Muuka gwa Mungu àhaana.

Baroma 6:16

Mumanyire bwinja oku erhi mwankachiihira oku mukolo gw'omuntu mpu mukaayumva oku àdesire erhi mukola muli baja b'olya nnahano muli mwayumva oku àdesire: erhi kwankaba cha-aha cha kuyiirha niisi erhi kuyumva kuleerha obuziine bushinganiine emalanga ga Mungu.

I Samweli 12:15

Chikwoone erhi ankaba murhayumviirhi oku izu lya Nnahamwiirhu lidesire, mubul'iyanga a-

marhegeko gaage, aa okuboko kwa Nnahamwiirhu kwába enanya liinyu nk'oku kwanali enanya lya bashakuluza wiinyu.

**Enkengeezo z'Amarhegeko
11:26-28a**

Yumvagi, mpebire emalanga giinyu ene omugisho n'obuheheerere; mugisho erhi mwankayumva ebi Nnahamwiirhu Mungu wiinyu àdesire, ebi mmúbwiiizire ene: n'obuheheerere, nka murhayumviirhi ebi Nnahamwiirhu Mungu wiinyu àdesire.

RHUGWAASIRWE OKUDERHERA KRISTU OBUDIMA

Luka 9:26

Erhi ankaba hàli omuntu oli nshonyi erhi nie ntuma n'erhi myanzi yaani erhuma, amango nie Mwene-Muntu náyiisha omu bulangashane bwaani n'omu bwa Laarha Mungu, na bamalahika bimaana, ago mango nágwaa-rhwa n'enshonyi erhi oyo muntu ye 'rhuma.

Mateyo 10:32-33

Ngasi muntu wáderhera emalanga g'abantu oku àli waani, naani náderhera emalanga ga Laarha oba enyanya emwaage oku oyo muntu àli waani. Chikwoone

owámpakana emalanga g'abantu mpu arhanyiishi, naani náderhera emalanga ga Laarha oba enyanya emwaage oku ntamùyiishi.

Baroma 10:9-10

Erhi wankaderha omu kanwa kaawe, emalanga g'abantu booshi oku Yezu àli Nnahamwiirhu, n'okuyemeera omu murhima gwaa-we oku Mungu amùfuuzire, wá-chizibwa. Bulya omuntu àyemee-rera omu murhima gwaage, abul'ijirwa mushinganyanya emalanga ga Mungu; omuntu àderha n'akanwa kaage oku ntyo kwo binali naye Mungu amùchize.

I Petro 5:8

Muyoore n'omurhima gulaali-
ire, muchiilange! Bulya omusho-
mbanyi wiinyu Lyangombe, àli a-
zunguluka nka ntale eri yalundu-
ma, àja alonza oyu ashanshan-
yula.

Mateyo 4:1, 10, 11

Enyuma ly'aho, Muuka gwa
Mungu aheeka Yezu omu mpi-
nga mpu lyo Lyangombe aj'imù-
rhangulira mwo. . . Ago mango
Yezu amùbwiiira erhi: “Genda
Shetani! Bulya Amandiko gàdesi-
re mpu: “Ogashaanize Nnaha-
mwiinyu Mungu waawe, onakaa-
mùkolera yeene.” Enyuma ly'aho

Lyangombe amùleka. Ago ma-
ngo bamalahika bayiisha, baja ho
Yezu, barhondeerha okumùko-
lera.

Bijiro 26:18

Nkurhumire nti obazibuule a-
masu, obarhenze omu nwizimya,
obaleerhe omu bulangale, oba-
rhenze omu buhashe bwa Shetani
babe ba Mungu, omu kuyemeera
lyo bababalirwa ebyaaha byaab-
okuhaabwa aha bábeera omu
bantu ba Mungu.

Befeso 6:11

Murhoole amatumu muhiirwe
na Mungu gooshi, lyo murhaanga
mwo amenge ga Lyangombe.

Yakobo 4:7-8a

Ahoo, gombagi kuli Mungu, hagaliki Lyangombe naye ámú-yaakira kuli. Yegeereri Mungu naye ámúyegeerera.

I Yohana 3:8

Okaajira ebyaaha erhi oyo àba wa Lyangombe, bulya Lyango-mbe ajijire ebyaaha kurhenga o-ku murhondeero. Mwene Mungu arhayiishiraga okurhali kusheree-za emikolo ya Lyangombe.

Baroma 8:35, 37

Nndi wankahasha okurhukuula oku buzigire bwa Kristu? Ka malumwa go gankahasha okwo niisi

erhi kuliibwa n'amagala, erhi ku-shimbululwa, erhi ishali, erhi bu-kenyi, erhi kantu ka kurhuyiirha, erhi lufu? Chikwoone muli ebyo byooshi, kuhima rhuhima erhi o-lya warhusiimaga ye 'rhuma; n'okuhima kwiirhu kulushire agandi mahimane gooshi.

Bebraniya 2:14

Bulya abaana, nk'okwo àbade-sire, bàli ba mubiri n'omuko, Ye-zu yeene abiire akaabo, abul'ija omu bwoorhere bwaabo bw'omu-ntu. Ajijire ntyo mpu lyo omu ku-fa kwaage yeene, ashereeza Lyangombe, ye 'jira obuhashe bw'o-lufu.

OBUZIGIRE CHO CHIMANYIISO CH'OMWIIGIRIZIBWA W'OKUNALI

37

Yohana 13:35

**Nka musiimiine, abantu booshi
bánamanya oku muli bigirizibwa
baani.**

Bagalatiya 5:22-23a

**Chikwoone ebi Muuka gwa
Mungu àleheka byo byeebi: bu-
zigire, busiime, murhuula, bushi-
ibirizi, olukogo, omurhima mwi-
nja, obwikubagirwa, obutuudu,
n'okuchiihasha.**

Yohana 21:16

**Amùbwíira obwa kabiri erhi:
"Simo, mwene Yohana, k'onsii-
ma?" Ashub'ishuza erhi: "Neechi,
Nnahamwiirhu, omanyire oku**

**nkusiima." Yezu amùbwíira erhi:
"Okereereze ebibuzi byaani."**

I Bakorinto 13:1

**Nanaderha enderho z'abantu
n'ez'abamalahika, chikwoone nka
ntagweerhi buzigire erhi ebi nde-
sire biri bya busha binali nka ngo-
ma eri yarhimbwa erhi nka mu-
dende guli gwalaka.**

I Yohana 4:20

**Erhi hankajira owaderha erhi:
"Nsiima Mungu", abul'inasho-
mba mwene waabo, erhi oyo ali
munyweesi. Bulya arhankasiima
Mungu arhabona nk'arhasiimiri
mwene waabo mukristu àbona.**

Baroma 4:25

Nnahamwiirhu Yezu ahaana-gwa mpu afe erhi byaaha biirhu birhuma, anafuulwa mpu lyo arhujira bashinganyanya emalanga ga Mungu.

Bijiro 10:39-41

Rhuli ba kuderha ebi ajijire byooshi omu chihugo ch'Abaya-hudi n'omu chishagala ch'e Yerusalem. Bamùyiirhiisa omu kumùbamba oku musalaba. Chikwoone oku Iw'ensiku isharhu, Mungu amùfuula; amùyeerekana, arhali oku lubaga Iwooshi, chikwoone kuli rhwe, rhwe Mungu achiishogaga burhanzi okuderha ogwaage. Rhwalya rhwananywa

haguma naye erhi Mungu amù-fuula.

Yohana 20:26-28

Erhi kugera mugobe muguma abigirizibwa baage baali kandi o-mu nyumpa na Toma aali hagu-ma nabo. Yezu ayiisha erhi n'enyumvi zooshi ziri mpamike; abayimanga ekaagarhi, ababwiira erhi: "Omurhuula gube muli mwe!" Enyuma ly'aho, abwiira Toma erhi: "Hira omunwe gwaa-we aha, lola enfune zaani; leerha okuboko kwaawe okuhire omu maaha gaani; rhiimukagwa, ona-yemeere!" Toma amùshuza erhi: "Nnahamwiirhu na Mungu wa-an!"

Mateyo 16:21

Kurhenga ago mango Yezu a-rhoneera okubwiira abigirizibwa baage n'obwalagale erhi: "Kukwaniine nje e Yerusalem, ndibukire yo bweneene, abagula n'a-bakulu b'abajinji n'abalimu b'amhegeko, bo bánjira ntyo. Náyiirhwa, n'oku lw'ensiku isharhu, náfuuka."

Baroma 6:3-5

Ka murhamanyiri oku rhweeshi, rhwe rhwabatiziibwe omu kulungana kuli Yezu Kristu, rhwabatiziibwe omu lufu lwaage? Aligi omu kubatizibwa mwo

rhwabishirwe rhweeshi naye, omu kufa rhweeshi naye obwo, lyo nka kulya Kristu afuukaga oku buhashe bw'Ishe, bunali bwa bulangashane, niirhu kwo n'okwo rhulame omu bulamu buhyaahya. Bulya erhi ankaba rhwalungiine kuli ye omu lufu lushushiine n'olwaage, na kandi rhwanalungana kuli ye omu bufuuke bushushiine n'obwaage.

Marko 16:9

Erhi Yezu aba amaafuluka, se-ezi lwa Mungu, arhang'ibonekera Mariya w'e Magadala, y'olya akagaga kwo bazimu babi nda.

40 OKUBA MWIMAANA WA NNAHAMWIIRHU

II Timoteyo 2:21

Erhi ankaba hàli ochiishukwi-ire kuli aga mabi gooshi ndesire, ákoleesibwa oku mikolo yaago yaago, bulya àli wa Nnhamwaabo lwooshi lwooshi, àmùkwaniine, anachiirheganyize okukuleesibwa oku ngasi mukolo mwinja.

I Petro 1:15

Chikwoone mube bimaana omu bijiro biinyu byooshi, nka kula Mungu wamúhamagalaga àba mwimaana.

Bebraniya 13:12

Cho charhumire Yezu naye afiira enyuma ly'echishagala mpu lyo ashukula olubaga omu njira y'omuko gwaage yeene.

II Bakorinto 7:1

Yaaga biira baani, ebyo bira-gaane byooshi niirhu rhubilaga-nyiibwe, cho chirhumirage rhu-chiishukule kuli ngasi byooshi bizinza omubiri n'omurhima rhu-nachiiseeze okuba bantu ba Mungu lwooshi okulama omu kumù-yooboha.

I Petro 1:2

Mwachiishozirwe omu kushimbuulira oburheganye Mungu Laarha arhangig'ijira, munali bantu baage erhi Muuka gwaage or huma, muli bantu baage mpu lyo muyumva ebi Yezu Kristu a-desire n'okushukulwa n'omuko gwaage.

Mateyo 3:11

Niono ndi nàmúbatiza n'amii-shi okuyeerekana oku mugokwi-ire; chikwoone owayiisha nyuma lyaani, ámúbatiza na Muuka gwa Mungu haguma n'omuliro. Àli wa buhashe kundusha: chiru ntakwaaniini okuhogola ebiraato byaage.

I Yohana 1:9

Chikwoone erhi rhwankafulu-luulira Mungu ebyaaha biirhu, rhwanahasha okumwiikubagira, bulya bushinganyanya àkola mwo. Árhubabalira ebyaaha n'okurhushukula kwo amabi gooshi.

Isaya 35:8

Eyo yába enjira mpunduule, i-barabara lyáderhwa njira nyima-na. Nta muntu ozizire chiru n'omuguma wáyigera mwo, yába ya-abo Boone; abantu báyigerera mwo, chiru n'abahwinja bárhaka-habuka.

Luka 1:74-75

Oku árhuchungula oku buha-she bw'abashombanyi biirhu, n'okurhuyeemeerera rhumùkolere buzira bwooba, lyo rhuba bimaa-na na ba bushinganyanya emala-nга gaage ensiku zooshi z'obula-mu bwiiirhu.

ABANTU BAALI BARHAMBWIIRWE NA MUUKA GWA MUNGU

Bijiro 1:8a

Chikwoone mwáhaabwa obu-hashe amango Muuka gwa Mungu ámùyandagalira kwo.

Luka 11:13

Obonage obubi mujira, muyishi okuha abaana biinyu ebinja. Erhi mujiraga ntyo mw'oyo, Showiinyu w'enyanaya yeehe ye haahe, abantu bamùhuuna Muuka gwaa-ge kuha ánabaha ye!

Bijiro 4:31

Erhi bayuusa bashenga, aha baali bashimaaniine hagera mwo omusisi. Booshi barhulwa kwo na Muuka gwa Mungu, banarhonde-

era okuyigiriza omwanzi gwa Mungu n'oburhwaali.

Baroma 8:9

Chikwoone mweehe, murhalama nk'oku eby'omubiri bidesire; chikwoone mulama nk'oku ebya Muuka gwa Mungu bidesire, bu-lya oyo Muuka àba muli mwe. Orhagweerhi Muuka gwa Kristu erhi arhali wa Kristu.

Ezekieli 36:27

Náhira omuuka gwaani muli mwe nnamúhashiise okushimba ebi ndesire, mulange n'amarhege-ko gaani n'okujira oku gànadesire.

Nnanga 37:3

Olangaaliire Nnahamwiirhu n'okujira aminja; obeere omu chi-hugo, n'irhondo orhalyaalyanya-gya.

I Petro 4:12-13

Biira baani, murhasoomeragwa erhi amarhangulo mazibu mazibu mwárhangulwa garhuma, mbonage oku bikola nka kuno kandi kantu kamaamúyiishira. Mube ba kushagaluka bweneene hano obulangashane bwaage bufuluulwa.

Isaya 66:2

Nnahamwiirhu aderha erhi: "Bulya okuboko kwaani kwajijire

ebi bintu byooshi, n'ebi bintu byooshi bikola bihali. Chikwoone naloleereza oyu muntu: oli mukenyi, ow'omurhima gushangusire, n'okujuguma erhi mwanzि gwaani gurhuma."

Kufuluulirwa 21:4

Ahoorhola ngasi mulenge gw'omu masu gaabo. Harhakachiba lufu, harhakachiba chiru n'emishiibo, erhi nduulu, erhi malumwa. Ebya miira byáhiringirha.

Nnanga 34:18

Nnahamwiirhu àba hoofi n'ab'emirhima eshangusire, n'okuchiza ab'emirhima y'okugokoola.

44 OKU ÀBARHANGULWA BÀLAGANYIIBWE

Nnanga 34:19

A malibuko g'omushinganya-nya gàba manji; Chikwoone Nnahamwiirhu anamùfumye kuli go gooshi.

Baroma 16:20

Mungu, ohaana omurhuula, buno buno atuntumira Shetani omu idako ly'amagulu giinyu.

Isaya 43:2

Amango oheerhe wagera omu miishi nába haguma na naawe; n'enyiishi zirhaakumire amango oheerhe walambagira omu muliro, orhaahye, chiru echirimi ch'omuliro chirhaakuyooche.

I Bakorinto 10:13

Amarhangulo mwabwiine gooshi ganali ga na gala gàyishira abantu. Mungu arhahiga bibeeshé, arhaanayemeere murhangulwe kurhaluka obuhashe bwiinyu bw'okuhagalika ago marhangulo; chikwoone amango amarhangulo gáyiisha, ámúha emisi y'okugalembra n'oku mwankagarhenga mwo.

Baroma 8:28

Rhumanyira oku Mungu kukola akola omu ngasi kantu, àkolerà minja g'abantu bamùsiima, bobalya ahamagalaga oku bulonze bwaage.

Kufuluulirwa 3:21

Ábahima, nábaha obuhashe bw'okutamala hali nie oku ntebe yaani, nka kulya naani nahimaga natamala hali Laarha oku ntebe yaage.

Kufuluulirwa 21:7

Ábahima, nábaha ebyo mbul'i-ba Mungu waabo nabo babe bagala baani.

Kufuluulirwa 2:7

Maashi ngasi muntu, akaba à-gweerhe amarhwiiri, ayumve bwinja ebi Muuka gwa Mungu àbwizire Emirhwe y'Abakristu! "Ábahima, nábaha obuhashe bw'okulya ilehe ly'omurhi gw'obuziine guli omu ishwa lya Mungu.

Kufuluulirwa 3:12

Owáhima, námùjira abe mutungo omu nyumpa ya Mungu waani, arhakanachirhenga mwo. Námùyandika kwo iziino lya Mungu waani n'iziino ly'echishagala cha Mungu waani, e Yerusalemímpyaahya yáyandagala kurhenga hali Mungu waani. Námùyandika kwo n'iziino lyaani lihyaahya njira.

Kufuluulirwa 3:5

Ábahima kwo báyambala emishangi myeeru ntyo; ntaazaaze amaziino gaabo omu chitaabu ch'obuziine. Náderherha emalanga ga Laarha n'ega bamalahika baage oku bàli baani.

OKU MUNGU ÀDERHIIRE OKULEKANA OMU BUYUMPA

Luka 16:18

“Ngasi muntu wankahulusa mukaage, akashub’iyanka owundi, erhi àgonyire, n’owankaherula oyo mukazi nnakuhulusibwa, erhi àgonyire.”

Baroma 7:2-3

Oku mugani, omukazi ogwee-rhe iba, amarhegeko gàmùshwe-ekiire kuli iba amango iba ana-chiba mwo omuuka; chikwoone erhi iba ankafa, oyo mukazi erhi àkola mushweekuule kwo irhege-ko lyaali limùshweekiire kuli iba. Erhi ankaba wundi wa mulume n’obwo iba àziine, anaderhwa

mugonyi; chikwoone erhi iba a-nkafa, erhi oyo mukazi àkola mu-shweekuule oku by’amarhegeko, lero anahashaga okuba muka wu-ndi mulume erhi arhanabiiri mu-gonyi.

I Bakorinto 7:10-11

Abakristu bàgweerhe abakazi, mbarhegesire ntayaala (arhali nie nkudesire chikwoone Nnahamwi-irhu): omukazi ogweerhe iba arhagwaasirwi amùleke; n’amango amaamùleka, arhachicherulagwa, niisi erhi ashubiirire iba — n’omulume arhagwaasirwi okuhulu-sa mukaage.

Yohana 14:3

N'enyuma ly'okuj'imùjirira aha mwája, nágaluka mmúheeke aha mba, lyo niinyu mubeera aha naani mba.

Mateyo 24:27

Nka kula omulazo gurhuluka-na oku nkuba kurhenga ebusho-shokero bw'izuuba, kuhika ebuzi-kiro bwaalyo, ntyo kwo nie Mwene-Muntu náyiisha.

Yakobo 5:8

Niinyu mushiibirire, muhire o-murhima omu nda bulya Nnaha-mwiirhu àli hoofi h'okuyiisha.

Mateyo 24:30

Ago mango echimanyiiso chan-i nie Mwene-Muntu chábone-

kana oku nkuba. Ago mango e-milala yooshi y'en'igulu yábanda enduulu, bámbona nie Mwene-Muntu nyishire oku bitu by'oku nkuba n'obuhashe bunji n'obula-ngashane.

Marko 8:38

Ahoo, erhi ankaba hàli omu-ntu oli nshonyi erhi nie ntuma, a-shub'iba nshonyi erhi myanzi ya-ani erhuma muli aba bantu b'e-n'igulu, aba bayangaga Mungu banakaajira okubi, ahoo, amango nie Mwene-Muntu náyiisha omu bulangashane bwa Laarha hagu-ma na bamalahika baage, náyii-sh'igwaarhwa n'enshonyi erhi oyo-muntu ye 'rhuma.

Luka 12:40

Niinyu muyoorhe muchiirhe-ganyize, bulya nie Mwene-Muntu náyiisha omu kasanzi murhagere-eriizi.

Kufuluulirwa 3:11

Náyiisha buno buno. Oseeze buzibu-buzibu ebyo ogweerhe, ly'omuntu arhag'ikunyaga ebi wahimiraga.

I Yohana 3:2

Biira baani, rhukolaga rhuba baana ba Mungu, chikwoone oku rhwánaayoorhe kurhachifuluulwa bwinja bwinja. N'obwo rhumaniryire oku hano Kristu áyiisha, rhwáhinduka rhumùshushe, bulya rhwámùbona nk'oku anali.

Luka 21:27

Ago mango nie Mwene-Muntu nábonekana nyiishire oku bitu n'obuhashe bunji n'obulangashane.

Bijiro 1:11

Bababwiira mpu: "Mwe bantu b'e Galilaya, bichi birhumire muli aho munali mwagalamira? Oyu Yezu walengezibagwa muli mwe, áchigaluka nk'oku mwànamùbonaga arherema."

Mateyo 16:27

Bulya nie Mwene-Muntu náyiisha omu bulangashane bwa Laarha rhweeshi na bamalahika baani, n'ago mango nákamasa ngasi muntu nk'oku anakozire.

OMWANZI GWA MUNGU

Mateyo 3:16

Ngasi mwandiko gwaleerha-gwa na Mungu, gunakwaniine o-ku nyigirizo n'okuhanuula abantu erhi byaaha byaaboo birhuma, n'o-kubagendeesa, n'okubayigiriza o-mu bushinganyanya.

Mateyo 22:29

Yezu abashuza erhi: "Muhabusire bulya murhayumviirhi Amandiko bwinja, murhayumviirhi bwinja n'obuhashe bwa Mungu nabwo."

II Petro 1:21

Bulya nta buleebi chiru n'obuguma bwayiishire erhi kulonza kwa muntu kurhuma, chikwoone

bulya Muuka gwa Mungu akaa-g'ishokolera abantu cho chanarhumirage abantu bakaaderha a-haali ha Mungu.

Nnanga 119:105

Omwanzo gwaawe liri itara lya magulu gaani, Na bulangale bwa njira yaani.

Nnanga 119:11

Omwanzo gwaawe nagufulisire omu murhima gwaani, Ntag'iku-biihira.

Luka 21:33

Amalunga n'igulu byágera, chikwoone emyanzi yaani erhaagere chiru n'ehitya.

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

**ECHI CHITAABU CHAJIRAGWA
NA WATSON GOODMAN**

**CHIRI CHA KUHAABWA BUSHA
BUZIRA KUGULA**

World Missionary Press
PO Box 120
New Paris, IN 46553-0120 USA
www.wmpress.org

5-24

Read booklets online or by App
www.wmp-readonline.org



56 Mashi HFA